

往生記投機抄

〈凡例〉

- (一) 本漢文は、林彦明校訂『昭和新訂 三卷七書 全』（第四版、昭和十八年、総本山専修道場）を底本とした。
- (二) 漢字表記は、底本に使用されている文字を尊重したが、古・略・異体字などについては、通行の字体に改めた。
- (三) 返り点、送りがな、ルビの表記も、底本の体裁をできるだけとどめた。しかし、底本上の割削の誤りなどは適宜改めた。

往生記投機抄

今將釋此往生記大分爲二。一從初至十六重終是正釋也。二從末代衆生已下摠結也。於初中亦三。一難遂機、二四障四機、三往生機也。起盡可見。摠而言之。今此往生記先舉往生得不得機分。然後正應知往生得不得心行。此乃疾前無藥、機前無教。故先以知機分而爲最要。故最初傳之也。一家釋中機法二種。略釋就人就行。廣釋共人機爲先。法行爲後。全此意也。云

一難遂往生機下

於此十三人中。初四人翻對至誠心。次四人翻對深心。次四人翻對迴向心。後一人廣翻對三心。問初四人翻對至誠心。其相如何。答初

一不順恭敬修墮憍慢心人。次二不順無貪心墮貪著心人。又初一名聞人次二利養人也。又一與三共通未具與退者。第二偏局退者故有誠心言已上三人至誠心別釋也。第四一人厭強欣弱人此之一人是誠心摠釋也。謂欣心弱故有憍慢心。欣心弱故布施貪。欣心弱故不厭信施也。至誠心下三業離合止惡修善有十重厭欣。卽此之謂也。問凡夫行人誰不貪布施。答若欣心強人雖貪不著還如無貪。縱令雖爲本尊聖教供佛施僧等資糧而不厚耽自身衣食。何況自恣眷養妻子等乎。請願誠心具足人宜思量自恐退轉。問次四人翻對深心其相如何。答初一如波上見水月次一如行人遇多岐次一如事君有向背。此乃如次心弱多境時少也。又初一翻對恭敬修次一翻對無餘修次一翻對無間長時而修。又初二偏局未具。第三之人通未具退者已上三人是深心別釋也。第四一人是常生

疑心人。此之一人是深心。摠釋也。謂生疑煩惱。故信心不深也。生疑煩惱。故信心不一也。生疑煩惱。故信心不相續也。生死家以疑爲所止。此之謂也。問下機多分若存若亡。可生何答。如忘本願。嫌之若亡。縱雖下機。隨分信佛願。甚深。何不往生。二河白道之譬。思之。問凡夫行人。誰信心相續。答煩惱間斷。許念時日。三相續。今信疑間斷。信不相續。故屬難遂機也。問凡夫不斷疑煩惱。誰生信心。答若如所難見惑未斷。人都不可信佛法乎。彼凡夫生得疑煩惱。於四諦理有耶無耶。二心未決。今所云信者。亦是凡夫生得所具信心所也。何無生信乎。或從知識。或從經卷。於佛法義信得具。是信心所也。請願信心成就人。但信佛語。宜恐信退。問次四人。翻對迴向心。其相如何。答初一不順專求心。謂近作務緣人。失唯願唯行法也。次一不順他力心。謂雖得道理。偏執難改人。滯罪福因果。理不發他力願生心也。

次、一平生願生者、臨終失念人、是當捨命退後、一臨終遇惡緣退失、願生心入也。已上四人共廻向心、別釋而無摠釋。初二平生難遂人、後二臨終不生人也。又初二局未具、次一局退者、後一通未具退者、謂有已具、遇惡緣而退失、亦有未具、遇惡緣不願生故也。又此四人、第一他緣難遂、第二自因難遂、第三自因失念、第四他緣失念也。請願廻向發願人、調自心退惡緣耳。問後一人、翻對三心、其相如何。答付見聞淨土、教文發僻見者、應有二種相、一者進二者退。若利根人見惡人往生、文進發惡無碍見、若鈍根人聞善人超入、教退生疑怯羸心。此等二人進退共、或不能具三心、或雖具還退失也。高祖又示衆曰、無口傳見淨土法門、見失得分。謂往生淨土、上從龍樹天親、下至五逆十惡、多從十萬六萬、少至一念十念、齊得往生。所以說上根善人往生、見爲彼等說。明下根惡人往生、思爲我等教、故無進退。

失也。云云

二四障四機其意可見下

問卑下心亦是卑下慢也。如何答卑下當躰是非慢心。依卑下起慢名卑下慢。然世人以為心中思我勝口言我劣是卑下慢也。云云是更以不爾事也。如所云者是妄語也。卑下慢者對他多勝於我少劣不幾劣高舉是也。今卑下者但是謙下自身罪惡而已。何必是慢類乎。

三種種往生機下

文自有五段。於中即有其二十六人。開即三十人也。謂愚鈍念佛第十三。別時念佛往生人有五人。故也。今此五段中第一也。智行兼備念佛往生機中第三是宗本意。前二非本意。第二義解念佛往生人中第一亦是宗本意。後二非本意。但第三人意兼兩向。第三之持戒念佛往生二人。第四破戒念佛往生之二人亦是宗本意也。於中第

四之第二漸近大信、然尙是施化利生門之分齊也。第五愚鈍念佛往生人正是宗本意也。亦是發迹入源門之單信大信也。於中初三人正是單信大信也。次二人臨終廻心大信也。次一人或外虛內實道人、或云奉公官家俗人也。第七靈地結緣已下是意樂修善大信也、具如文。云云二摠結分、和字、法語、無別子細故不釋之耳畢。

往生記投機抄

御本云明德元年庚午十一月廿八日

空師七代弟子了譽記之 在判

安譽雲潮 廿二才之時書之

異筆 弟子穩蓮社令授與畢

釋道譽 花押